

PROGNOSTICA- TION OV REVOLVTION, Auec les Presages, Pour l'an  
Mil cinq cens Soixante-cinq. A Monfeigneur le Duc d'Aniou, tref illustre Prin-ce Royal.  
Par Mi. de Nostradamus. Calculée sus l'Orizon de la tres-triumphante, tres-magnifique,  
tres-renommée, tres-antique, & Royal Ville de Paris, Capital de France.

A LYON, Par Benoist Rigaud. Auec Permission.

(CF. B.N. : RES p V 219 (110 X 180 MM, 8 FF. N.CH.)

BENAZRA Pag 68 / CHOMARAT 63



# PROGNOSTICA

TION OUV REVOLVTION,

Aucc les Prefages, Pour l'an Mil  
cinq-cens Soixante-cinq.

*A Monseigneur le Duc d'Anjou, tres-illustre Prin-  
ce Royal. Par Mi. de Nostradamus.*

Calculée sus l'Orizon de la tres-triumphante, tres-  
magnifique, tres-renommée, tres-antique, &  
Royale Ville de Paris, Capitale de France.

26.



A LYON,  
Par Benoist Rigaud.

Aucc Permission.

17p 7 219



A M O N S E I G N E V R L E

D V C D' A N I O V, T R E S-I L L V

strissime Prince Royal, Frere de la

sacrée maiefté du tres-Chrestien

Roy de France Charles IX.

du nom, Son tres-hum

ble subiect, & o-

beissant,

Salut.



*Res-illustre, florissant & Royal Prin  
ce, nous auons de coustume tous les  
ans extraire pour la prochaine an-  
née, vn aduertissement des choses fu-  
tures, selon que pouuons trouuer par  
les anciens Philosophes, tant Chaldeens qu' Egyptiens,  
afin de prenoir quelque chose de l' aduenir, lequel ad-  
uertissement (tres-illustre Prince) nous auons prins la  
hardiesse d' adresser à vostre grandeur, comme voz  
subiects & obeissants: toutesfoys il y a plusieurs gens  
de diuers estats, qui disent que la tresnoble science de  
. Astrologie est vne science dangereuse, & qu'elle est  
contre les comm. mandemens de Dieu, les autres n'igno-  
rent pas qu'elle ne soit certaine & de grand fruit: mais  
ils disent (veu que nous cognoissons les bonnes & mau-  
uaises fortunes aduenir) que deurions prendre pour  
nous mesmes les bonnes, & estre riche en vn mo-  
ment, & faire en telle sorte, que les Roys & Prince:*

A ij

ne feissent rien sans nostre conseil & aduis, sur lequel  
dire. (avec correction mon Seigneur) nous leur voulõs  
respondre, combien que par noz escrits leur auons as-  
sez satisfait. Premièrement que ceste science d'A-  
sirologie est diuine, approchant & sentant sa vraye  
prophetie: veu que par la sainte escriture nostre Sei-  
gneur l'a aprouuee, Disant Iohel. 2. g. Je respandray  
de mon Esprit sur toute chair, & prophetizeront  
voz filz & filles, les anciens songeront songes, &  
voz ieunes enfans verront visions, Aussi est escrit  
Actor. 2. c. Et quidem super seruos meos & an-  
cillas meas in diebus illis effundam de spiritu  
meo, & prophetabunt, & dabo prodigia in cœ-  
lo sursum, & signa in terra deorsum, sangui-  
nem & vaporem suum. La puissance du Createur  
est elle diminuee qu'il ne puisse infunder de son bon  
vouloir en ses seruiteurs tant de present que cy apres  
Esprit de prophetie? Cõme à Abraham, Isaac, Moy-  
se, Salomon, saint Denis, saint Thomas d'Aquin,  
Caietanus, Albertus magnus, & autres infiniz Ptol.  
100. 1. 7. & Haly. Nous trouuons trois sortes & ma-  
nieres de prognostiquer, à scauoir qu'aucuns ont preuen  
les choses aduenir, sans en scauoir donner aucune rai-  
son par le cours celeste, les autres prognostiquent par  
le cours des planettes, & par la cognoissance du cer-  
cle de la Lune, & par doctrine, les autres par inspira-  
tion diuine. Or celuy qui a les deux, entre les sages est  
dit vray philosophe. Quia hæc scientia agnosce-  
tur

tur secundum probationem & opinionem vel operationem, vel ignis effectum, &c. Ioan. 12. Comme Cayphe qui prognostica que nostre Seigneur deuoit mourir pour le peuple, ceste prognostication & reuolution estoit par inspiration diuine, ou par la pensee de son cœur, car de doctrine d'Astrologie n'en auoit rien. Ioseph. c. 24. plusieurs signes furent uenz tant au ciel qu'en la terre, en la cite de Ierusalem auant la destruction d'icelle, dont les ennemis de la vraye philosophie dōnoient à entendre au peuple tout au contraire de la verité & du dire des vrays philosophes, pareils & semblables signes auons uenz en la Chrestienté depuis dix ans & peu de temps en ca (qui ne sont pas de moindre efficace que ceux de ladicte Cité, de l'effect d'iceux en parlerons cy apres) & par ce qu'ils ne les voulurent pas croire, mal leur en print. Illustr. Pareillemēt à ceux de Troye, la noble pucelle Cassandre qui prophetisoit ordinairement la destruction d'icelle Cité, toutesfoys de chose qu'elle peust dire l'on n'y auoit point esgard, sinon apres que la chose estoit aduenue: donc l'empeschement estoit par les ignares, comme sont & ont faict plusieurs de present depuis certain temps en ca, donnant à entendre à plusieurs notables personnes, que la science d'Astrologie estoit incertaine, nonobstant qu'il soit aduenu des choses ainsi que l'auons dict & escript par plusieurs fois en nos Almanachs & Prognostications. Que peut faire donc le philosophe à vn Prince de son sca-

noir, s'il n'est creu & ouy, veu qu'a present ceux qui  
ont vouloir faire reuolutions aux Roys & Princes,  
pour le soulagement de leur personne, & d'un bien  
publicq, sont deiettez par les ignorans & demeurent  
inutiles? ARISTOT. Car l'on voit ordinairement que les  
ignares & flateurs admiennent plustost en richesses,  
que ceux qui ont l'esprit respandissant aux saintes let  
tres & bonnes doctrines & leur fortune est à compa  
rer à un commun prouerbe d'un philosophe, qui dit  
Fol. heureux n'a que faire de bon cōseil: mais sage mal  
heureux a besoin de bon ayde. Ceux la sont plus heu  
reux que sages, & a esté trouué qu'ils ont eu tousiours  
enuie sur ceux qui sont bien experimentez, à quoy ils  
ne pourroient paruenir: lon n'a iamais enuie contre les  
folz & ignares. Euang. Par ce que Dieu a laissé cy  
bas la folie, & la Sapience est montee avec luy, le grād  
scauoir des hōmes ne consisist pas du tout à scauoir in  
terpreter plusieurs langues. Io. epist. 3. c. Ayaus en  
œuure & verité. PLATO. L'homme est aussi appris  
par moult d'experiance & frequētation des hommes,  
dont en auons veu vne partie. ECCL. 9 Sapience vaut  
mieux qu'une grāde belliqueuse armee, car il ne faut  
que peu de chose pour tout perdre, comme l'on a veu  
depuis vingt ans en ca, si donc par l'empeschemēt d'au  
cuns noz mal voulans, n'a esté remedié aux aduertis  
sements qu'auons faictz tousiours en temps & heure,  
cōme vrais fidelles seruiteurs & zelateurs des Roys  
& Princes Chrestiens (que Dieu absolue) & de la  
maie



maiesté du tres-chrestien Roy de France Charles IX.  
( vostre frere ) & de vous monseigneur, certes ceux  
qui en sont cause, toute leur race ne scauroyent recom-  
penser la maiesté, ny la republique. Nous esperons,  
( Dieu aydant ) que le cognoistrez cy apres quand de  
noz œuures preterites serez bien informé : qui sera  
l'endroiect tres-Royal Prince, ou tres-hüblement vous  
supplions supporter nostre rude stille, & prendre en  
gré & de bõne part nostre labour, & la presente Re-  
volution ou Prognostication de l'annee aduenir Mil  
cinq cens soixante-cinq, laquelle auons calculee selon  
le cours des Astres, ou auons reduit vne partie des for-  
tunes & infortunes, vous assurant ( monseigneur )  
qu'auons deliberé y mettre plusieurs autres choses di-  
gnes de memoire, mais les auons reserué : craignant  
desobeir aux Edictz & Ordonnances du tres-Chre-  
stien Roy, nous souzmettans, souz sa maiesté & la  
vostre. Priant Dieu le Createur vous octroyer le  
comble de voz bons & Royaux desirs. De la ville de  
Lyon le 13. Iuin 1564.

Par le vostre & obeissant subiect

Mi. de Nostradamus.

Pro anno M. D. LXV.

GENERALE DECLARA-  
TION (EN BRIEF EXTRAICT  
d'*Ephemerides*) sur la disposition de ce-  
ste presente Annee.



Vant à la disposition de l'an mil cinq cens soixante cinq . Et apres auoir tout cōsideré, & fait extraict de la plus part d'icelle, nous auons prins pour le calcul de nostre ascendāt à l'entrée du Soleil au premier degré & minute du signe d'Aries, par le quel auons trouué selon l'eleuation du Meridional de Paris, tresanciennne, & la plus obeissante ville du Royaume de France (& capitale d'iceluy) estre le 12. du signe d'Aquarius, qui est maison de Saturne, au terme de Venus, triplicité & face de Mercure, & aussi selon noz autheurs par plusieurs fois cy deuant alleguez, comme *Paul Natal, Albertus, Messahalach, Hermes* & autres: Nous prenons pour le Seigneur de ceste presente année Satyrne, quant au regard de nostre ascendant, mais quant à la pluralité de dignité, est Mercure, & pour les significateurs est la partie de fortune trouuee *domus secretum* & *religionis* en triplicité dudi& Mercure: outreplus nous prenons pour la signification d'icelle la comonction

&

& tonnerre. Nous supplirons Dieu qu'il nous vueille garder les biens de la terre, & nous preseruer des maladies dangereuses.

Le dernier quartier sera le Mercredy xx. iour à iij. heures du matin, au 29. degré du signe de Pisces, féminin, septentrional & commun, de la nature de l'eau, flematique, froid, & humide, & de saueur salee. Qui nous signifie, avec la planette de Iupiter, auoir le temps plus enclin à pluyes & tōnerre, chauld, & bruines le matin. Les maladies seront catterres, fieures tierces, & continues. Aucuns captifs, & autres fugitifs, requerant grace sous saintise.

La nouvelle Lune sera le Mercredy xxvij. iour à viij. heu. 13. min. du soir, au 10. degré du signe de Cācer, féminin, septentrional, & mobile, de la nature de l'eau, froid, humide & flematique, & de saueur salee. Qui nous signifie, avec la planette de Luna, estre le tēps plus enclin à froidure, bruines, obscur & pluuieux, & d'heure en autre temperé. Conseil assemblé pour requestes presentees, tost leüe, & messagers par les champs.

#### PRESAGES DE IUILLET.

Le premier quartier sera le Mercredy. iij. iour à Ix. heures du matin, au 11. degré du signe de Libra masculin, occidental & mobile, de la nature de l'air, sanguin, chauld & humide, & de saueur douce. Qui nous signifie, avec la planette de Venus, auoir le tēps

plus enclin à froidure & humidité, tēperé & couuert, avec vents pluuieux, en aucuns lieux tōnerre. Il se fera grād' assēblée de gēs pour surprēdre leurs Magistrats,

La pleine Lune sera le Ieudy xij. iour à vij. heur. 31. min. du matin, au 19. degré du signe de Capricornus, féminin, meridional & mobile, de la nature de la terre, froid & sec, melencolique, & de saueur aigre. Qui nous signifie, avec la planette de Saturne, estre le tēps plus enclin à humidité & froidure, temperé avec vêts & sec. Plusieurs se trouueront fort malades, cōme de catterres, vomissement de cœur, & frissonnement de corps, dont ensuiura mort subite en plusieurs & diuers lieux.

Le dernier quartier sera le Ieudy xix. iour à viij. h. du matin, au 24. degré du signe d'Aries, masculin, oriental & mobile, de la nature du feu, chaud & sec, de colere aduste, & de saueur amere. Qui nous signifie, avec la planette de Mars, auoir le temps plus enclin à temperature, & muable, chaud & sec, & mauuaise tempeste: Par lettres & escrits Royaux & Seigneuriaux plusieurs seront troublez & faschez.

La nouvelle Lune sera le Ieudy xxvj iour à vij. heu. 19. minu. du matin, au 3. degré du signe de Leo, masculin, oriental, & fixe, de la nature du feu, de colere aduste, chaud & sec, & de saueur amere. Qui nous signifie, avec la planette du Sol, estre le temps plus enclin à seicheresse, chaud, humide, & beau temps, temperé, d'Ambassadeurs lointains, briefue expedition. Sur les champs seront malueillans gastans tout.

#### PRESAGES D'AOVST.

**L**E premier quartier sera le Vendredy iij. iour à vne heure du matin, au 13. degré du signe de Scorpius, féminin, septétrional & fixe, de la nature de l'eau froid,

froid, humide & flatulente, & de faueur falée. Qui nous signifie, avec la planette de Mars, auoir le temps plus enclin à seicheresse, pluyes, temperé & chaleur. Iours perilleux, furie d'armes, mort conspirée de plusieurs, cruelle iustice.

La pleine Lune sera le Samedy xj. iour à vj. heures 6. minu. du soir, au 24. degré du signe d'Aquarius, masculin, occidental & fixe, de la nature de l'air, chaud, humide & sanguin, & de faueur douce. Qui nous signifie, avec la planette de Saturne, estre le temps plus enclin à temperature & vents froids, en aucuns lieux tonnerre. Coclusion defaictte, Pardon non du tout remis, Le furieux assaillant ne sera vainqueur.

Le dernier quartier sera le Védredy xvij. iour à xj. heu. du matin, au 19. degré du signe de Taurus, féminin, meridional & fixe, de la nature de la terre, froid & sec, melencolique, & de faueur aigre. Qui nous signifie, avec la planette de Venus, auoir le temps plus enclin à froidure & humide, sec & pluuieux, en court de Roys & Princes. Combats y feront fort demâdez, les vnz contre les autres, ce qui ne sera à tous permis.

La nouvelle Lune sera le Samedy xv. iour à v. h. 23. min. du soir, au 8. degré du signe de Virgo, féminin, meridional, & cōmun, de la nature de la terre, melencolique, froid & sec, & de faueur aigre. Qui nous signifie, avec la planette de Mercure, estre le temps plus enclin à obscurité, muable, vents & humide. Confirmation de Iustice, Edicts pour en brief expedier & parfaire les proces des desobeissants.

#### PRESAGES DE SEPTEMBRE.

Le premier quartier sera le Dimanche ij. iour à vij. heu. du soir, au 15. degré du signe de Sagittarius, masculin, oriental & commun, de la nature du feu,

chauld & sec, de colere aduste, & de saueur amere. Qui nous signifie, avec la planette de Iupiter, auoir le temps plus enclin à vents pluuiieux, chauld & tonnerre temps pestilentieux, morts subites, le premier armé fera le dernier au conflict.

La pleine Lune sera le Dimanche ix. iour à iiij. heu. 55. min. du matin, au 16. degré du signe de Pisces, féminin, Septentrional & commun, de la nature de l'eau. froid & humide, flematique, & de saueur salée. Qui nous signifie, avec la planette de Iupiter, estre le tēps plus enclin à pluyes, chauld & tempeste, sec & humide, temps fort muable. Cōtrainte de passer la mer luy sera, nonobstant la foudre & tempeste qui se fera sus icelle, nauire perie & nō mort le chef de la cōpagnie.

Le dernier quartier sera le Dimanche xvj. iour à ix. heures du soir, au 28. degré du signe de Gemini, masculin, occidental & commun, de la nature de l'air, sanguin, chaud, & humide, & de saueur douce. Qui nous signifie, avec la planette de Mercure, auoir le temps plus enclin à humidité, temperature, & sec, vents muables, froid & pluyes, A son arriuee sera le bien receu, & tost dechassé: nōobitāt cōmissiō par luy presentée.

La nouvelle lune sera le Dimāche xxiiij. iour à viij. heures 2. mi. du matin au 0. degré du signe de Libra, masculin, occidental, & mobile, de la nature de l'air, sanguin, chauld & humide, & de saueur douce. Qui nous signifie, avec la planette, de Venus, estre le tēps plus enclin à obscurité & couuert, temperé, humide froid, vents & pluyes, murmurations contre Gouverneurs de viles, mort conspirée. crueile iustice.

#### PRESAGES D'OCTOBRE.

**L**E premier quartier sera le Lundy premier iour à vne heure du soir, au 5. degré du signe de Capricor

cornus, féminin, meridional & mobile, de la nature de la terre, froid, & sec, melancolique & de saueur aigre. Qui nous signifie avec la planette de Saturne, auoir le temps plus enclin à bruines & humide, téperé, froid & sec, maleuole, il se fera mutinerie en presche, sus tost, armes, frappez à mort, captifs mourir.

La pleine lune sera le Lundy viij. iour à ij. heur. 23. min. du soir, au 9. degré du signe d'Aries, masculin, occidental & mobile, de la nature du feu chaud & sec, de colere aduste, & de saueur amere. Qui nous signifie avec la planette de Mars, estre le temps plus enclin à temperature, chaud & sec, fort muable & temperé, changemēt du conseil, vn dechassé, les opinions changées.

Le dernier quartier sera le Lundy xv. iour à vj. heu. du matin, au 22. degré du signe de Cancer, féminin, Septentrional, & mobile, de la nature de l'eau, flegmatique, froid & humide, & de saueur salée. Qui nous signifie, avec la planette de Luna, auoir le temps plus enclin à obscurité & pluye, téperé d'heure en autre, froid: messagers seront par champs pour reuelation de certaine chose descouuerte de long temps caché.

La nouuelle lune sera le Mardy xxij. iour à vne h. 16. mi. du matin au 3. degré du signe de Scorpius, féminin Septentrional & fixe, de la nature de l'eau, flegmatique, froid & humide, & de saueur salée. Qui nous signifie, avec la planette de Mars, estre le temps plus enclin à pluies chaud & sec, tempestatif, & bruineux. Mort subite de maladie incongueue, de l'air infecté.

Le premier quartier sera le Mercredy xxxj. & dernier iour à iij. heur. du soir au 9. degré du signe d'Aquarius, masculin occidental & fixe, de la nature de l'air, sanguin, chaud & humide, & de saueur douce.

Qui nous signifie avec la planette de Saturne auoir le temps plus enclin à froidure, & sec, tēperé, & vents. Les personnes seront autant melencolique & faschez qu'ils furent onc de deux ans. Et se fera murmuration populaire.

#### PRESAGES DE NOVEMBRE.

**L**A pleine Lune avec Ecclipsé d'icelle, sera le Mercredy vij. iour à xij. heur. 18. mi. du soir, au 17. degré du signe de Taurus, feminin, meridional, & fixe, de la nature de la terre, froid, & sec, melencolique, & de saueur aigre. Qui nous signifie, avec la planette de Venus, estre le tēps plus enclin à froidure, humidité, & pluuiex, temps muable, avec vents, l'air sera infecté. Le ciel sera de diuerses couleurs, enuiron vne heure, & sera icelle pleine Lune à cause de ladicte Ecclipsé, en tenebres & obscurité grande l'espace d'une heure ou plus.

Le dernier quartier sera le Mercredy xiiij. iour à vij. heur. du soir, au 28. degré du signe de Leo, masculin, oriental, & fixe, de la nature du feu, chaud, & sec, de colere aduste, & de saueur amere. Qui nous signifie, avec la planette de Sol, auoir le temps plus enclin à temperature & beau, chaud, obscur, & humide. Sera regretté la mort d'un grand personnage Ecclesiastique.

La nouvelle lune sera le Ieudy xxij. iour à viij. heur. 15. min. du soir au 6. degré du signe de Sagittarius, masculin, oriental & commun, de la nature du feu, chaud, & sec, de colere aduste, & de saueur amere. Qui nous signifie, avec la planette de Iupiter, estre le tēps plus enclin à humidité, & souuent esfois venteux, chaud, & en aucuns lieux tonnerre, Il se fera amas populaire, & par l'esmotion d'iceluy, il sera sang respandu.

Le premier quartier sera le Vendredy xxx. & dernier



nier iour à viij. heur. du soir, au 14. degré du signe de Pisces, féminin, Septentrional & commun, de la nature de l'au, flematique, froid, & humide, & de saueur salée. Qui nous signifie, avec la planete de Iupiter, auoir le tēps plus enclin à bruines & pluyes, chaud, muable, cause le tōnerre. Il se fera iustice cruelle de plusieurs.

#### PRESAGES DE DECEMBRE.

**L**A pleine lune sera le Ieudy vj. iour. à x. heures 33. min. du matin, au 11. degré du signe de Gemini, masculin, occidental, & commun, de la nature de l'air, sanguin, chauld, & humide, & de saueur douce. Qui nous signifie, avec la planete de Mercure, estre le temps plus enclin à vents, muable, sec, & temperé, & en aucuns lieux, pluye froide. Les maladies serōt trēblement, vomissement, & crachement de sang, & mort subite.

Le dernier quartier sera le Vendredy xiiij. iour à midy au 2. degré du signe de Libra, masculin, occidental, & mobile, de la nature de l'air, sanguin, chauld, & humide, & de saueur douce. Qui nous signifie, avec la planete de Venus, auoir le temps plus enclin à froidure, & pluye, obscur & temperé. Demolissement d'edifices. Nouveaux Consulz changez. Arrests valables.

La nouvelle lune sera le Samedi xxij. iour à iij. he. 30. min. du soir, au 8. degré du signe de Capricornus, féminin, meridional, & mobile, de la nature de la terre, froid, & sec, melancolique, & de saueur aigre. Qui nous signifie, avec la planete de Saturne, estre le tēps plus enclin à froidure, humide, gelée, & neiges. Ville explorée. Citadins ruinez. Gendarmes aux champs.

Le premier quartier, sera le Samedi xxix. iour à vij. du matin au 7. degré du signe d'Aries, masculin, oriental, & mobile, de la nature du feu, chauld, & sec,

de colere aduste, & de saueur amere. Qui nous signifie, avec la planette de Mars, auoir le temps plus enclin à temperature, froid, muable, sec, & tempestatif.

Nous supplirons à Dieu qu'il luy plaise mitiguer les finistres aduenemens que nous presagent les astres en ceste année. Ainsi soit il.

## De l'Eclipse de Lune.



*Nous trouuons ceste Année auoir pleine Lune, avec Eclipse d'icelle, le Mercredy vij. iour de Novembre à minuit 18. minutes, au signe de Taurus 17. degré, sera couuerte vne heure ou enuiron, & sera de diuerses couleurs en sa plus grande obscurité, & sera de perilleux effets, presageant le deffaillement & mort subite de quelques grands personnages, avec mutations, peste, & morts subites, non seulement ceste année, mais dans l'an 1566. que les effets d'icelle y sont enclins autant ou plus qu'à la presente année 1565. Dieu par sa grace y vueille pourvoir.*

A LYON,

Par Benoist Rigaud.